



TOLOSAKO
UDALA

ALKATETZA DEKRETUA

Zk.a: 457/2019

OLATZ PEON ORMAZABAL, Tolosa udaleko Alkate-Udalburuak, 7/1985 Legeak, apirilaren 2koak, Toki Araubidearen Oinarriak arautzen dituenak, bere 21.3 eta 23.2.b) artikuluetan xedatzen duenaren arabera, ondoko hauek

IKUSIRIK

LEHENIK.- Alkatetza honek, 2015eko uztailaren 28an emandako Dekretuan, organo honi dagozkion hainbat ahalmen Tokiko Gobernu Batzarraren esku jarri zituela. Dekretu hori 2015eko abuztuaren 6ko Gipuzkoako Aldizkari Ofizialean, 148 zk.an, argitaratu zen.

BIGARREN.- Azken hilabete hauetan, Tolosako udalak hausnarketa-jardunbide bat garatu du, herritarrekin burutzen diren izapideak berraztertuz, administrazioaren funtzionamendua azkartzeko eta prozedurak sinplifikatzeko helburuekin. Halaber, prozesu honetan hainbat akats eta hobekuntza aukerak detektatu dira 2015eko abuztuaren 6an izenpeturiko Dekretuan jasotako delegazioetan.

HIRUGARREN.- Hori dena ikusirik, Dekretu berri honetan jasotzen dira, alde batetik, legeriak Tokiko Gobernu Batzarrari onartzen dizkion aholkularitza-zereginak, eta, bestetik, organo honengan formulatzen diren delegazio berriak.

KONTUAN HARTURIK

7/1985 Legeak, apirilaren 2koak, Toki Araubidearen Oinarriak arautzen dituenak, bere 21.3 eta 23.2.b) artikuluetan xedaturikoa, non Alkateari onartzen bait zaion ahalmena dagozkion hainbat eskumen Tokiko Gobernu Batzarraren esku jar ditzala.

Beraz, Alkatetza honek ondorengo hau

ERABAKI DU

LENEHIK.- Tolosako udaleko Tokiko Gobernu Batzarrak, legeriak onartzen dizkion Alkatearen aholkularitza-lanak burutuko ditu, Alkatetzak hala proposatzen dionean.

BIGARREN.- Halaber, Alkatetzak, legeriak ematen dizkion ondorengo eskumenak delegatuko ditu Tolosako udaleko Tokiko Gobernu Batzarrarengan :



1. Alkatetzaren eskumeneko Kontratazio eta Ondarearen kudeaketari buruzko gaiak:

- a) Alkatetzari dagozkion kontratazio eta emakidak: espedientea onartzea, lizitazioari hasiera ematea -hala denean-, eta kontratuaren kitapena onartzea, ondorengo kasuetan:
 - Kontratuak: 60.000 €-tik gorako balio zenbatetsia izatea.
 - Gainontzeko espedienteak: lizitazio-tipoa, edo urteko kanona (kasu bakoitzean) 60.000 €-ko kopurua gainditzea.
- b) Obra-proiektuak onartzea, baldin eta haiek kontratatuzeko ahalmena badu eta aurrekontuetan jasota badaude.
- c) Ondasun eta eskubideak eskuratzeko gaineko bestelako irabazizko negozio juridikoak (erosketa, errentamendua...), eta ondarea besterentzeko espedienteen hasiera onartzea, haien balioak 60.000,00 €-ko kopurua gainditzen badu.
- d) Lokalak doan lagatzea, edo jabari publikoko lokalen erabilera baimentzea, urtebete baino gehiagorako.

2. Kudeaketa ekonomikoari dagozkion gaiak:

- a) Udal aurrekontua egiteko ildoak onartzea.
- b) Urte anitzeko Aurrekontu Plangintza onartzea.

3. Pertsonalaren kudeaketari dagozkion gaiak:

- a) Urteko lan Eskaintza Publikoa onartzea, Udalbatza Plenoak onarturiko Lanpostuen Zerrenda eta Plantilaren arabera.
- b) Pertsonala hautatzeko zein lanpostuak hornitzeko Oinarriak onartzea.
- c) Finkoak eta aldizkakoak ez diren ordainsariak ezartzea, goragoko mailako lanari dagokion ordainsaria izan ezik.
- d) Langileei zehapenak ezartzea, salbu langile lan-kontratudunak kaleratzea eta funtzionarioak zerbitzutik kentzea.

4. Hirigintzaren alorrean:

- a) Aurri espedienteak ebaztea, berehalako aurrikoak izan ezik.
- b) Hirigintza-kudeaketarako eta urbanizazio-proiektuetarako tresnak onartzea.



TOLOSAKO
UDALA

- c) Garapeneko Plangintza xehatuak hasieraz, eta behin-behineko izaeraz onartzea.

5. Desadostasunak:

Eskuordetu gabeko eta Alkatetzak baliatzeko erreserbatuta dauden gaiak, beti ere eskuordetu daitezkeenak, Gobernu Batzarrarengan delegatu ahal izango dira honako kasu hauetan:

- Gai berari buruz egindako txosten teknikoak kontraesankorrak izatea.
- Proposamen politikoan eta txosten teknikoan artean desadostasunak egotea.

BIGARREN.- Dekretu hau Tolosako udaleko Tokiko Gobernu Batzarrari eta udaleko Departamentu arduradun guztiei helaraztea.

HIRUGARREN.- Dekretu honen berri ematea Udalbatzari, egingo duen aurreneko bilkuran, eta dagokion iragarkia argitaratzea Gipuzkoako Aldizkari Ofizialean, Udaletxeko iragarki taulan eta Tolosako Udaleko Gardentasunaren Atarian.

Erabaki hau finkoa da eta amaiera jarri dio administrazio-bideari.

ERREKURTSOAK

Bere aurka auzitara jo aurretik, interesdunak, hala nahi izanez gero, birjarpen errekurtsoa aurkez dezake Alkatetzaren aurrean hilabete bateko epean, erabaki honen jakinarazpena jaso eta biharamunetik kontatzen hasita. Hori dena, Herri Administrazioen Administrazio Prozedura Erkidea arautzen duen urriaren 1eko 39/2015 Legearen 123 eta 124 artikuluetan xedatutakoaren arabera.

Bestela, birjarpen helegitea aurkeztu ordez, edo aipatu errekurtsoarean erantzunaren aurka joko balu, interesatuak administrazioarekiko auzi-errekurtsoa aurkez dezake bi hilabeteko epean, erabaki honen jakinarazpena jaso eta biharamunetik hasita. Helegite hau, Donostiako Administrazioarekiko Auzien Epaitegian aurkeztu beharko da.

Agindu eta izenpetzen duena Alkate-Udalburuak, eta nik, Idazkari naizen honek, ziurtatua, 2019ko martxoaren 20an.

ALKATEAK



Nire aurrean
IDAZKARIAK

